



Na osnovu člana 9. Zakona o kantonalnim ministarstvima i drugim tijelima kantonalne uprave Srednjobosanskog kantona („Službene novine Srednjobosanskog kantona“, broj: 8/03 i 14/03), Odluke Vlade Srednjobosanskog kantona o usvajanju programa korištenja sredstava sa kriterijima raspodjele sredstava broj: 01-11.7-6033/21 od 19.08.2021 i Odluke o izmjeni i dopuni Odluke o usvajanju programa korištenja sredstava sa kriterijima raspodjele sredstava broj: 01-11.7-8252/21 od 23.11.2021.godine sa pozicije “Subvencije privatnim preduzećima i poduzetnicima - poticaj privredi” utvrđenog Budžetom Srednjobosanskog kantona za 2021. godinu, Ministarstvo privrede raspisuje

## **JAVNI POZIV**

### **ZA ODABIR PRIVREDNIH DRUŠTAVA I OBRTNIKA KOJI NISU DOBIJALI FINANSIJSKA SREDSTVA PO JAVNIM POZIVIMA I PROGRAMIMA MINISTARSTVA PRIVREDE U 2021.GODINI, A KOJIMA ĆE SE RASPODIJELITI FINANSIJSKA SREDSTVA ZA ODRŽAVANJE POSTOJEĆIH RADNIH MJESTA SA POZICIJE SUBVENCIJE PRIVATNIM PREDUZEĆIMA I PODUZETNICIMA - POTICAJ PRIVREDI ZA 2021. GODINU**

#### **I PREDMET JAVNOG POZIVA**

Objavljuje se javni poziv za odabir privrednih društava i obrtnika koji nisu dobijali finansijska sredstva po javnim pozivima i programima Ministarstva privrede u 2021. godini, a kojima će se raspodijeliti finansijska sredstva za održavanje postojećih radnih mjesta sa pozicije “Subvencije privatnim preduzećima i poduzetnicima - poticaj privredi” iz Budžeta Ministarstva privrede za 2021. godinu.

Sredstva za ovu namjenu rasporedit će se privrednim društvima i obrtnicima koji nisu ostvarili prava po Javnim pozivima i programima Ministarstva privrede u 2021. godini.

#### **II NAMJENA**

Sa pozicije “Subvencije privatnim preduzećima i poduzetnicima - poticaj privredi” sufinansira se održavanje postojećih radnih mjesta za:

- a) izvozno orijentisane industrijske kapacitete u iznosu od: 70.000,00 KM.
- b) privredna društva iz drvoprerađivačke industrije u iznosu od: 90.000,00 KM.
- c) privredna društva iz oblasti metalne industrije u iznosu od: 90.000,00 KM.
- d) privredna društva iz oblasti industrije tekstila, kože i obuće u iznosu od: 80.000,00 KM.
- e) privredna društva iz ostalih industrijskih grana u iznosu od: 140.000,00 KM.
- f) obrtnike u iznosu od: 70.000,00 KM.

### **III PRAVO UČEŠĆA**

1) Pravo na podnošenje prijave na javni poziv imaju privredna društva i obrtnici koji imaju sjedište na području Srednjobosanskog kantona, a koji nisu dobijali finansijska sredstva po Javnim pozivima i programima Ministarstva privrede u 2021. godini, izuzev privrednih društava i obrtnika koji su povećali broj zaposlenih radnika nakon ostvarivanja prava po Javnom pozivu Ministarstva privrede broj: 05-03-14-6058/21 od 20.08.2021.godine do 24.11.2021. godine (za broj novouposlenih radnika između dva javna poziva).

2) Nemaju pravo učešća na javnom pozivu:

- a) javna preduzeća, banke i druge finansijske organizacije, osiguravajuća društva, sportske kladionice i poslovni subjekti čija djelatnost obuhvata igre na sreću, javne institucije, organi uprave, organi i jedinice lokalne samouprave, privredna društva čiji su žiro računi blokirani, privredna društva i obrtnici čija šifra osnovne djelatnosti obuhvata trgovinu, primarnu poljoprivredu i prehrambenu industriju.
- b) privredna društva i obrtnici koji su ostvarili prava na sufinansiranje po drugim javnim pozivima i programima Ministarstva privrede u 2021. godini, izuzev privrednih društava i obrtnika koji su povećali broj zaposlenih radnika nakon ostvarivanja prava po Javnom pozivu Ministarstva privrede broj: 05-03-14-6058/21 od 20.08.2021.godine do 24.11.2021. godine (za broj novouposlenih radnika između dva javna poziva).
- c) privredna društva koja su pod stečajem ili likvidacijom.
- d) privredna društva i obrtnici koji nisu dostavili izvještaj o implementaciji programa i rezultatima ostvarivanja programa po ranije dobivenim poticajnim sredstvima, i kojima od strane Ministarstva privrede nije prihvaćen izvještaj.
- e) privredna društva i obrtnici koji imaju dospjelih a neizmirenih obaveza prema Srednjobosanskom kantonu.
- f) privredna društva i obrtnici koji nisu izmirili obaveze po osnovu javnih prihoda zaključno sa danom 30.09.2021.godine, te nemaju potpisan sporazum o odgodi plaćanja.
- g) privredna društva i obrtnici koji nisu izmirili indirektnu poreznu zaključno sa danom 30.09.2021. godine, te nemaju potpisan sporazum o odgodi plaćanja.
- h) privredna društva koja su pod stečajem i likvidacijom.

## **IV SADRŽAJ PRIJAVE ZA UČESTVOVANJE NA JAVNOM POZIVU**

Sadržaj prijave mora biti urađen u skladu sa slijedećom dokumentacijom:

### **1. Zahtjev za sufinansiranje**

Pod pojmom Zahtjev za sufinansiranje podrazumijeva se uredno popunjen obrazac Zahtjev za sufinansiranje sa pozicije "Subvencije privatnim preduzećima i poduzetnicima-poticaaj privredi" za 2021. godinu br:11/21 iz priloga ovog Javnog poziva.

Ukoliko Zahtjev za sufinansiranje nije ovjeren i potpisan od odgovorne osobe, isti će se odbiti i neće biti predmet daljeg razmatranja Komisije.

### **2. Obavezna dokumentacija**

Uz obrazac Zahtjeva za sufinansiranje potrebno je dostaviti i slijedeću orginalnu dokumentaciju ili ovjerene kopije:

1. Rješenje iz sudskog registra, a za obrtnike Rješenje o registraciji obrta.
2. Uvjerenje o poreznoj registraciji (identifikacijski broj: ID broj).
3. Uvjerenje o registraciji obveznika poreza na dodanu vrijednost (ukoliko je po Zakonu o porezu na dodanu vrijednost u sistemu).
4. Uvjerenje nadležnih institucija da nema neizmirenih obaveza po osnovu javnih prihoda zaključno sa danom 30.09.2021.godine ili ukoliko ih ima dostaviti sporazum o odgodi plaćanja sa dokazima da se uredno izmiruju obaveze po sporazumu.
5. Izvještaj o zaposlenima na dan 24.11.2021.godine izdat od Porezne uprave F BiH ili listu osiguranih lica.
6. Uvjerenje o izmirenim indirektnim porezima za obveznike poreza na dodanu vrijednost zaključno sa danom 30.09.2021.godine ili ukoliko ih ima dostaviti sporazum o odgodi plaćanja sa dokazima da se uredno izmiruju obaveze po sporazumu.
7. Obavjest o razvrstavanju subjekata prema djelatnosti Federalnog zavoda za statistiku.
8. Uvjerenje nadležnog suda da subjekt nije pod stečajem ili pred likvidacijom koje nije starije od 3 (tri) meseca od dana objave Javnog poziva (samo za privredna društva).
9. Izjavu sa pečatom privrednog društva i potpisom ovlaštenog lica ovjerenu od strane općine ili notara u kojoj se navodi da je privredno društvo izvoznik, odnosno da je ostvarilo više od 30% izvoznog prihoda u poslovnim prihodima prethodne finansijske godine i u izjavi navesti ukupan prihod za 2020. godinu i prihod od izvoza za 2020.godinu sa izračunatim postotkom izvoza u odnosu na ukupan prihod u 2020. godini (samo za privredna društva koja se prijavljuju za oblast a) izvozno orjentisani industrijski kapaciteti).
10. Potvrdu banke o otvorenom transakcijskom računu privrednog društva ili obrta.
11. Potpisanu i ovjerenu izjavu o namjenskom korištenju sredstava iz priloga javnog poziva (ovjerenu od strane općine ili notara).

Prijave koje ne sadrže potrebnu dokumentaciju, bit će odbijene i neće biti predmet daljeg razmatranja Komisije.

Priložena dokumentacija mora biti izdata od strane nadležnih sudskih ili upravnih organa.

Sve priložene kopije dokumenata moraju biti ovjerene od strane nadležnih upravnih organa ili notara, u suprotnom kompletan zahtjev biti će odbijen i neće biti predmet daljnjeg razmatranja. Sva dokumentacija tražena javnim pozivom mora biti prikladno uvezana u cjelinu logičkim

redom (prema popisu dostavljenih dokumenata). Spisak podnosilaca zahtjeva koji ne ispunjavaju uslove iz javnog poziva objavljen će biti na web stranici Vlade Srednjobosanskog kantona: [www.sbk-ksb.gov.ba](http://www.sbk-ksb.gov.ba). Podnosioci zahtjeva koji ne ispunjavaju uslove iz javnog poziva mogu uložiti prigovor Ministarstvu privrede u roku od 7 dana od dana objave rezultata radi provjere činjenica

## **V KRITERIJI ZA OCJENU PRIJAVE I IZBOR KORISNIKA**

Finansijska sredstava rasporedit će se svim privrednim društvima i obrtnicima koji ispunjavaju uslove iz javnog poziva prema broju uposlenih radnika u vrijeme podnošenja prijave u maksimalnom iznosu do 75 % minimalne neto plate u Federaciji Bosne i Hercegovine po uposlenom radniku.

Stručna komisija Ministarstva privrede izvršit će razmatranje prijave koje ispunjavaju formalno - pravne uslove i dostaviti ministru Ministarstva privrede prijedlog odluke o raspodjeli sredstava. Odluku o raspodjeli sredstava sa pozicije "Subvencije privatnim preduzećima i poduzetnicima - poticaj privredi", na prijedlog Ministarstva, donosi Vlada Srednjobosanskog kantona. Odluka o raspodjeli sredstava će biti objavljena u Službenim novinama Srednjobosanskog kantona.

## **VI PREUZIMANJE POTREBNE DOKUMENTACIJE**

Potrebna dokumentacija za učešće na Javnom pozivu tj. obrazac Zahtjeva za sufinansiranje sa pozicije "Subvencije privatnim preduzećima i poduzetnicima - poticaji privredi" br. 11/21 nalazi se u prilogu ovog Javnog poziva i može se preuzeti elektronskim putem sa web stranice Vlade SBK [www.sbk-ksb.gov.ba](http://www.sbk-ksb.gov.ba)

## **VII PODNOŠENJE PRIJAVE**

Prijave sa odgovarajućom dokumentacijom, dostavljaju se lično na protokol Vlade Srednjobosanskog kantona u zapečaćenim kovertama ili preporučeno poštom na adresu: Ministarstvo privrede Srednjobosanskog kantona, ul. Stanična 43, 72270 Travnik sa naznakom: "NE OTVARATI - po javnom pozivu za odabir privrednih društava i obrtnika koji nisu dobijali finansijska sredstva po javnim pozivima i programima Ministarstva privrede u 2021. godini, a kojima će se raspodijeliti finansijska sredstva za održavanje postojećih radnih mjesta sa pozicije Subvencije privatnim preduzećima i poduzetnicima - poticaj privredi iz Budžeta Ministarstva privrede za 2021.godinu, tačka \_\_\_\_\_".

Rok za dostavljanje prijave je 15 (petnaest) dana od dana objave javnog poziva u dnevnim novinama i web stranici Vlade Srednjobosanskog kantona.

Nepotpune, neblagovremene i neuredne prijave neće biti razmatrane.

## **VIII TROŠKOVI PO JAVNOM POZIVU**

U postupku po Javnom pozivu Ministarstvo ne snosi nikakve troškove učesnicima Javnog poziva, te zadržava pravo da poništi Javni poziv, ili da odbaci sve prijave, u bilo koje vrijeme prije zaključenja ugovora.

Dostavljena dokumentacija neće se vraćati.

## **IX OSTALE ODREDBE**

Sa privrednim društvima i obrtnicima kojima se rasporede finansijska sredstava Ministarstvo privrede će potpisati Ugovor o implementaciji odobrenih sredstava, kojim će biti preciziran način i dinamika korištenja sredstava, te nadzor nad trošenjem istih u namijenjene svrhe. Sve dodatne informacije vezane za javni poziv mogu se dobiti svakim radnim danom putem telefona broj: 030/ 511 - 217 od 8,00 do 16,00 sati ili putem e-maila: [min.priv@bih.net.ba](mailto:min.priv@bih.net.ba)

U prilogu javnog poziva nalazi se obrazac Zahtjeva za sufinansiranje sa pozicije "Subvencije privatnim preduzećima i poduzetnicima-poticaaj privredi" br. 11/21 koji je potrebno popuniti u cjelini, uredno sa svim navedenim elementima, i isti dostaviti u prijavi na javni poziv.

Broj: 05-11-8296/21  
Travnik: 24.11.2021.godine

**MINISTAR**  
**Nisvet Hrnjić**